

***Ta'limning zamonaviy transformatsiyasi***  
**ТАЪЛИМ СИФАТИНИ ОШИРИШДА ТАЪЛИМ  
ТЕХНОЛОГИЯЛАРДАН ФОЙДАЛАНИШ**

**Усмонов Мурод Содиқович**  
*Жizzax Davlat Pedagogika universiteti доценти в.б*

Бугунги кунда эркин шахсни шакллантириш муаммоси таълим муассасаларида ўқув-тарбиявий ишларни замонавий инновацион технологиялар асосида ташкил этиш лозимлигини тақозо этади. Бу жараён осон кечмаслиги маълум, лекин жорий этилаётган узлуксиз таълимни қатъиян илмий асосланган педагогик тизимга айлантириш керак.

Инновацион педагогик технология шундай билимлар соҳасини, уларнинг воситасида янги минг йилликда давлатнинг таълим соҳасидаги сиёсатида туб бурилиш юз беради, педагог фаолияти янгиланади, ўқувчи-талабаларда хурфикрлилик, инсонпарварлик туйғулари тизими шакллантирилади.

Замонавий жамиятнинг ривожланиш босқичлари унга инновацион-компьютер технологияларининг кучли таъсири билан характерланади. Илмий-педагогик фаолиятни ажralmas ва муҳим қисмларидан бири таълим жараёнида инновацион-компьютер технологияларидан самарали фойдаланиш тизимини мукаммал ташкил этишdir. Ҳозирда ушбу йўналишда бир қатор ишлар олиб борилмоқда. Бу ишлар таълим жараёнида янги методлар ва инновацион технологияларининг қўлланишида ўз аксини топмоқда. Чунки, компьютер ва мультимедия технологиялари асосида интерфаол электрон ўқув курсларидан ўқув жараёнида фойдаланиш таълим самарадорлигини оширишга имкон берувчи асосий восита сифатида қаралмоқда. Ҳозирда ёшлар орасида компьютер ва мультимедия воситаларидан фойдаланишни биладиганлар сони сезиларли даражада ошди.

Умумтаълим мактабларида компьютер технологияларининг қуий синфлардан бошлаб ўқитишни йўлга қўйилиши асосий омил эканлигини тан

## ***Ta'limning zamonaviy transformatsiyasi***

олиш керак. Шу ўринда, ёшлар компьютердан кўпроқ воситаси сифатида фойдаланиши, унинг бошқа фойдали имкониятларини тўлиқ ўрганишга этарли эътибор берилаётганлигини таъкидлаш ўринлидир.

Бу муаммоларнинг ечими эса педагог кадрлар малакасини, ота-она, жамоатчилик эътибори ва таълим жараёнининг тўғри ташкил этилишидир. Илмий-педагогик фаолияти давомида ҳам компьютер ва мультимедия технология асосида интерфаол электрон ўқув курсларини қўллаш орқали ижобий натижаларга эришилмоқда. Булардан, мультимедиа воситаларидан фойдаланган ҳолда электрон ўқув дастурлари ёрдамида ўқитиш, тақдимотлар, билимларни тест синовлари ёрдамида текширишни келтиришимиз мумкин.

Мамлакатимизда қабул қилинган “Таълим тўғрисида”ги ва “Кадрлар тайёрлаш миллий дастури” тўғрисидаги қонунларида ривожланган демократик давлатлар даражасида, юксак маънавият ва ахлоқий талабларга жавоб берадиган юқори малакали кадрлар тайёрлаш, таълим муассасаларини махсус тайёрланган малакали педагог кадрлар билан тўлдириш, уларнинг моддий–техника ва ахборот базаларини мустаҳкамлаш, ўқув жараёнини илғор педагогик технологиялар билан таъминлаш, мамлакатнинг ижтимоий–иқтисодий ривожланиш истиқболларига мувофиқ кадрлар тайёрлаш тизимини такомиллаштириш вазифалари қўндаланг кўйилган. Шунингдек таълим узлуксизлигини таъминлаш, илмий–педагогик кадрлар тайёрлаш, уларнинг малакасини ошириш, таълим тизимини мазмунини ислоҳ қилиш, маънавий–аҳлоқий, тарбия ва маърифий ишлар, иқтидорли ва истеъдодли ёшлар билан ишлаш, таълим тизимини бошқариш замонавий ахборот технологияларини ўқув жараёнида қўллаш, таълим хизматлари кўрсатиш бозорини ривожлантириш, ишлаб чиқариш билан интеграция, халқаро алоқаларга тааллуқли тадбирлар ўз аксини топган. Бунда таълим ва унинг сифати бош мезон сифатида намаён бўлади. Бу икки кўрсаткични ҳеч қачон бир-биридан ажратиб бўлмайди. Шунинг учун ҳам юқорида келтирилган сифат ўзгаришлар бевосита таълимнинг

## ***Ta'limning zamonaviy transformatsiyasi***

мукаммалашувига асос бўлади. Таълим узлуксизлиги таъминланган ушбу даврда унинг иккинчи томони-узвийликка эришиш лозим бўлади. Бу борада эришилган ҳар қандай натижа таълим сифатини янада қўтаришни таъминлайди. Узвийликка эришишнинг ташкилий томонларига алоҳида эътибор бериш лозим. Таълим узвийлик деганда, бир таълим тури фанлари дастурларининг кейинги таълим турига ўтганда мутаносиб равишда ўзгартириб, соддадан мураккабга қараб тўлдиририб борилиши тушунилади. Олий ўқув юртларида узвийликни таъминлаш мақсадида ўқув режалари 4 та блокка ажратиб тузилган. Бунда ҳар бир блокдаги фанларнинг узвийлиги ҳам ҳисобга олинган. Фанлараро тўла узвийликка эришиш мураккаб жараён ҳисобланади.

Бунинг учун фанлараро алоқаларни кучайтириб бориш ва ўқув–услубий кенгашлар ишини янада такомиллаштириш зарур. Таълимни амалга оширадиган ёки дарс берадиган кишиларнинг савияси турлича бўлиши мумкин. Лекин гурухдаги талabalарга бериладиган таълим бир хилдир. Ўқитувчи билим эмас, балки таълим беради. Талаба эса шу таълим жараёнида билимга эга бўлади. Бунинг учун у мустақил ўқийди, тайёрланади, мушоҳада қиласи, тасаввурларга эга бўлади, эшитганлари ва ўқиганларини синтез қиласи. Натижада билимга эга бўлади. Талabalarda ҳосил бўладиган билим эса ҳар хилдир. Шу билан бирга унинг сифати ҳам турлича бўлади. Таълим сифати талabalар томонидан олинган билимга асосланган бўлади. Таълимн натижасини кўрсатиб турувчи кўрсаткичлардан бири талabalар билимидаги сифатидир. Муайян фандан ўтказилган назоратлар натижасида аниқланган баҳолар олиб қараладиган бўлса, 71 фоиздан юқори кўрсаткичлар ҳисобга олинади. Билимнинг бу кўрсаткичи ўз навбатида, таълим сифатини аниқлашга ҳам хизмат қиласи.

Иқтидорли талabalар сонининг ортиб бориши, талabalар ижодкорлигининг қўтарилиши, илмий–пелагогик йўналишларда талabalар фаоллигини ошиши, “аъло” ва “яхши” баҳога ўқийдиган талabalарнинг кўпайиб бориши таълимнинг сифати яхши эканлигидан далолат беради.

## *Ta'limning zamonaviy transformatsiyasi*

Лекин кўп ҳолларда талабаларни объектив баҳоланишини бузилиши натижасида сунъий “яхши” ва аъло”баҳоларни кўпайишига сабаб бўлмоқдаки буни олдини олиш учун барча олий таълим муассасаларда бундай ҳолатга қарши қатъий чоралар кўриш даври келди деб ҳисоблаймиз.

Бундай баҳолаш мезони эса таълим сифатига таъсир этмасдан қолмайди. Бундай салбий ҳолатларни олдини олиш учун ҳозирги шароитда билим сифатини оширишнинг энг асосий усулларидан талаба билан кўпроқ ишлаш (амалий машғулотда, лаборатория машғулотларида семинарларда, индивидуал тарзда), талаб қилиш талабани мустақил фикрлашга мажбур этиш, эркин фикрлашга ўргатиш, бажарган ишларга холисона баҳо бериш ва камчиликларини кўрсатиш, уни бажаришга йўналтириш, китоб устида мустақил ишлашга ўргатиш ҳисобланади. Илмий даражали ва таълим сифатини кўтаришда унвонли профессор- ўқитувчиларнинг кўпайишига доимо эътибор бериш лозим. Шу йўналишда бу йилдан бошлаб илмий ишга лаёқати бор ёшларни стажер-тадқиқотчи лавозимига қабул қилиниб уларга ўқитувчилар маошини берилиши эътиборга лойикдир. Шунингдек ўз мутахассислигини мукаммал биладиган, севадиган, юксак маҳорат билан дарс берадиганларга кўпроқ эътибор бериш лозим. Илмий даражали ва унвонли профессор- ўқитувчилар сифат жиҳатидан фарқлансада, фарқланиш ва уларнинг сифат кўрсаткичлари ҳақида фикрлар вақти-вақти билан таҳлил қилиб турилиши лозим.

Ҳозирги кунда таълимда кексариш жараёни давом этмоқда .Бундай ҳолатнинг вужудга келишига бизнингча турли объектив ҳолатлар, сабаблар мавжуд. Бу борада институт маъмурияти томонидан қатор тадбирлар белгиланди. Жумладан, ёши улуғ ва нафақадаги профессор- ўқитувчилар салоҳиятидан фойдаланишга алоҳида урғу берилмоқда. Дарсликлар ва ўқув қўлланмалар ёзиш, талабаларнинг амалиётига битирув малака ишларига раҳбарлик қилиш, тарбиявий ишларга жалб этиш каби вазифаларни бажаришда улардан фойдаланиш катта самара бермоқда. Ёши улуғ ва нафақадаги профессор- ўқитувчилар учун компьютер, ахборот

## *Ta'limning zamonaviy transformatsiyasi*

технологияларидан дарслар ташкил этилиши ҳамда янги педагогик технологиилар бўйича амалий семинарларнинг мунтазам ташкил қилиниши улар салоҳиятини янада ортишига кўмак бермоқда. Бу тадбирлардан, энг аввало институт талабалари катта муваффақият кўрмоқда. Қолаверса, катта ёшдагилар учун таълимни ташкил қилишга ҳам институтда мазмунан теран асос солинди.

Хулоса қилиб айтганда, олий ўкув юртида яратилган шароит ва муҳит талабанинг дунё қарашига, юриш-туришига, онгига катта таъсир қиласи. Шинам ўкув хоналари, компьютер синфлари, жиҳозланган лабораториялар, талабалар уйларидаги яшаш учун яратилган қулайликлар, спорт иншоотлари, кутубхоналар, ўкув заллари, клублар, ҳар хил тугараклар, турли маънавий тадбирлар, концертлар, дискуссиялар-буларнинг барчаси таълим сифатини оширишга хизмат қиласи.

Узлуксиз таълим XXI асрда ахборотлар билан тўлдирилган мураккаб жараёндир. Ялпи ахборотлаштириш жараёни жамият олдига маълум масалаларни қўяди. Бу муаммолардан бири таълим соҳасини ахборотлаштиришdir. Инновацион таълим беришда ахборот–коммуникация технологиялардан самарали фойдаланиш лозим бўлади.

### **ФОЙДАЛАНГАН АДАБИЁТЛАР РЎЙХАТИ**

1. Алимов Р, Ходиев Ю, Усмонов С ва бошқалар. Миллий иқтисодда ахборот тизимлари ва технологиялари. Ўкув қўлланма. Т.: Шарқ. 2004. 319 б
2. Жўраев Р.Ҳ., Тайлақов Н.И. Ахборотлашган таълим муҳити–ўқитиши самарадорлигини ошириш воситаси// Узлуксиз таълим. –2004.– №3. –Б. 3–7.
3. Тайлақов Н.И. Узлуксиз таълим тизими учун информатикадан ўкув адабиётлари янги авлодини яратишнинг илмий педагогик асослари. Монография. –Т.: «Ўзбекистон миллий энциклопедияси» Давлат нашриёти, 2005. – 160 б.
4. Усмонов С, Усмонов М. Ахборотлардан таълим сифатини оширишда фойдаланиш. Сборник тезисов международной научно-практической конференции “Роль информационно-коммуникационных технологий в

## ***Ta'limning zamonaviy transformatsiyasi***

---

модернизации национальной экономики” 15 ноябрь 2011. Тошкент 2011, 321-323 бетлар.